



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მინდაძე ალექსი ალექსის ძე

მინდაძე ალექსი ალექსის ძე (7. III. 1911, სოფ. ერკეთი, ახლანდ. ჩოხატაურის მუნიციპალიტეტი, - 7. IX. 1985), ნევროპათოლოგი; მედ. მეცნ. დოქტორი (1949), პროფესორი (1954), საქართვე. მეცნ. დამს. მოღვაწე (1967).

1932 დაამთავრა თბილ. სამედ. ინ-ტი. მონაწილეობდა II მსოფლიო ომში (1942); 1943-45 იყო საქართვე. ჯანდაცვის სამინისტროს სამკურნ.-პროფ. სამმართველოს უფროსი, 1945-49 - საქართვე. ჯანდაცვის მინისტრის I მოადგილე, 1954-66 - თსსი-ის ნერვულ სნეულებათა კათედრის პროფესორი, 1966-იდან - ამავე კათედრის გამგე.

მ. იკვლევდა ნერვული სისტემის ინფექციური, ტრავმული და სისხლძარღვოვანი პათოლ. პრობლემებს. აღწერა ახ. სიმპტომი ლუმბო-საკრალური რადიკულიტის დროს და სხვ. მიღებული აქვს სახელმწ. ჯილდოები.

თხზ.: ტრავმული ეპილეფსია, თბ., 1950; ნერვული დაავადებანი, თბ., 1976; ნევროლოგიის ისტორიისათვის საქართველოში, თბ., 1982.
